

2 Samuel Intäjukun Äma Devit unitäño Manbiñam

11

2 Samuel 11:26-27

Devit äma kubä täño webeni kubo täwänpäj Profet Natantä kañ-yäjkkuk

²⁶ Uria webenitä äpi u kumäntak yäj biñam nadänkañ konäm butewaki täñkkuk. ²⁷ Täñpäñ kupämta it yäpmäj kuñtäyon tärenjirän Devittä epän ämaniye yäwet-pewän yäjikñat yäpmäj enini gänañ pewä Devittä webenita yäpuk. Yäpänkañ nanak ämani kubä bäyañ imiñkkuk. Devittä kudän ude täñjirän Yawetä kawän nämo tägañkkuk.

12

2 Samuel 12:1-15

¹ * Täñpäkañ Yawetä Natan Devitken iwerän kuñkkuk. Päñku ñode iwetkkuk; Yotpärare kubäken äma yarä itkumän. Kubäwä tuñum äma, kubäwä äma jäwäri. ² Tuñum äma uwä sipsip bulimakau bumta it imiñkuñ. ³ Täñ äma jäwäri uwä sipsip webeni tepi kubägän nanakipäj, moneñ penpäñ yäpuko unitägän itkkuk. Täñpäñ watäni irirän inikät nanakiyekät bok pat täñkuñ. Ketem mähemitä nak täñkkuko ugänpäj moräki nak täñkkuk. Ba mähemitä ume gwetpäñ nak täñkkuko ugänpäj nak täñkkuk.

* 12:1: Sam 51

Tänpänj dämpmon patpat uwä, kupänjikengän pat tänkuk. U iniken äperi ude it imiņkuk.

⁴ Tänpäkaņ tuņum äma uken noripaki kubä kome kubäken nanik äbänjirän, tuņum äma u iniken sip-sip ba bulimakau kubä yäpmanjpäņ äma unita ijin imikta bitnäņpäņ äma jäwäri unitäņo sipsip webeni tepi kubägän u päņku yäpmanjpäņ noripaki äbuko unita utpäņ ijin imiņkuk.

⁵ Devit man ude nadänjpäņ tuņum äma unita koki wawäpäņ Natan iwetkuk; Yawe irit mähemi täņo wäpi terak ñode yänkehärom täyat; Äma kudän ño täņkuko u kumäkta biņam! ⁶ Tänpänj äma jäwärita butewaki nämo nadänj imiņpäņ imaka ude täņ imiņkuko unita kubätagän kowata sipsip yaräbok-yaräbok kaņ imän yäk.

⁷ Ude iweränä Natantä Devit ñode iwetkuk; Äma uwä gäk ubayän! Yawe, Isrel ämawebe täņo Anutu unitä ñode yäyak; Näk Isrel äbot täņo intäjukun äma ude gepmanjpäņ ume gakņi piņ gäbatkut. Ba Soltä iwan täņ gamiņjirän u keriken nanik yomägakut yäk. ⁸ Tänpänj Sol täņo tuņumi gamiņkut, ba unitäņo webeniye gamiņ moreņkut. Tänpänj Isrel ba Juda äbot gäkä intäjukun it yämikta ketka terak yepmanjkut. Täņkaņ imaka u ba unitä gäripka nämo dämpänj täreņkuk yäwänä ätukät yäpurärätpän gamam. ⁹ Unita gäk imata Yawe näkņo man nadäwi äpani täņpäpäņ imaka näkä nadäwa waki täk täyak u täņkun? Gäk Uria Hitai nanik u kumänj-kumänj utkun. Amon äma äbot keriken peņiri Uria urirä webeni yäpmanjiri webeka ude täņkuk. ¹⁰ Unita ket nadäsi. Gäk näka nadäwi äpani täņpäpäņ Hitai äma Uria unitäņo

webeni gäkŋata koreŋkuno unita nägät moräkayetä ämik terak api kumäk täneŋ.

¹¹ * Täŋpäŋ Yawetä ŋode yäyak; Nadätan? Gäkŋa äbotken naniktä iwan api täŋ gamineŋ. Ba dapunka terak webekaye yäpmäŋpäŋ nägät moräkka kubäta imiŋira kepma käronŋ webekayekät api pätnenŋ. ¹² Imaka u käbop täŋkunopäŋ näkäwä kwawa pähap Isrel äbot iŋamiken api täŋpet.

¹³ Ude yäwänä Devittä Natan ŋode iwetkuk; Näk waki täŋkuro uwä Yaweken momi täŋkut. Ude yäwänä Natantä iwetkuk; Yawetä momika peyak. Gäk nämo api kumben. ¹⁴ Upäŋkaŋ gäkŋa imaka ude täŋpäŋ Yawe täŋo iwaniyetä wäpi iniŋ täwetta täwit yämiŋkuno unita ironi bäyaŋkumäno u api kumbek.

¹⁵ Täŋpäkaŋ Natantä man ude iwet moreŋpeŋ eŋiniken kuŋirän eruk Yawetä nadäŋirän nanak Uria täŋo webenitä Devitta bäyaŋ imiŋkuko u käyäm waki kubä täŋkuk.

* **12:11:** 2Sml 16:22

Anutu Täŋo Man
The New Testament and portions of the Old Testament
in the Tuma-Irumu Language of Papua New Guinea
Nupela Testamen na sampela Olpela Testamen long
long tokples Tuma-Irumu long Niugini

copyright © 1997, 2011 Wycliffe Bible Translators, Inc.

Language: Tuma-Irumu

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-20

PDF generated using Haiola and XeLaTeX on 3 Mar 2023 from source files dated 9 Oct 2020

914cbf46-f59a-54d1-b209-0f763534edb5